



Broj: 349/18  
Sarajevo, 27.07.2018. godine

Članovima Glavnog odbora  
Članovima Pregovaračkog tima

**PREDMET: Informacija, dostavlja se**

Poštovani članovi Glavnog odbora i Pregovaračkog tima Sindikata radnika u zdravstvu u Kantonu Sarajevo, molim Vas da članove Sindikata radnika u zdravstvu u Kantonu Sarajevo informišete o sljedećem:

Na sastanku Mirovnog vijeća održanom 27.07.2018. godine, u sastavu Indira Šulović medijator vijeća, Edo Selimić predstavnik Sindikata radnika u zdravstvu u Kantonu Sarajevo, te Lejla Brčić određena od strane Vlade Kantona Sarajevo kao zamjenik predstavnika Vlade Kantona Sarajevo Turković Samira, predstavnici Sindikata i Vlade Kantona Sarajevo su iznijeli stavove svojih strana. Predstavnik Sindikata je iznio utvrđeni stav Sindikata, a to je povećanje koeficijenta linearno za 0,30, zatim povećanje koeficijenta poslije 10 godina radnog staža za 0,10 po uzoru na doktorskih 0,20 i tekstualni dodatak za platnu grupu diplomiranih sestara.

Predstavnica Vlade Kantona Sarajevo je poslije uvoda ponudila povećanje koeficijenta za 0,20 linearno u slučaju ostanka naših 0,10 nakon navršanih 10 godina radnog staža.

Izložena im je i pravna neutemeljenost doktorskih 0,20 i u slučaju povlačenja njihovih 0,20 mi automatski povlačimo naših 0,10.

Da zaključimo. Oni, odnosno Vlada Kantona Sarajevo kao predstavnik poslodavaca nude povećanje koeficijenta za 0,20 linearno „nedoktorima“ i ostaje 0,10 nakon 10 godina radnog staža, a mi, tj. Sindikat radnika u zdravstvu u Kantonu Sarajevo ostajemo pri stavu povećanja koeficijenta za 0,30 linearno svima, zatim povećanje koeficijenta za 0,10 poslije deset godina radnog staža i dodatak u tumačenju platne grupe VIII/2. U slučaju neprihvatanja naših stavova, odnosno nepovlnog odgovora 31.07.2018. godine nastavljamo sa aktivnostima oko organizovanja i provođenja generalnog štrajka, kao i pripreme oko mirnih protesta pred Vladom Kantona Sarajevo po prijedlogu Osnovne sindikalne organizacije JU Dom zdravlja Kantona Sarajevo sa zahtjevom za smjenu direktora Zavoda zdravstvenog osiguranja Kantona Sarajevo, resorne Ministrice i premijera Kantona Sarajevo.

Zbog provođenja postupka mirenja, a koji zakonski traje pet dana do 01.08.2018. godine predlažem članovima Glavnog odbora Sindikata radnika u zdravstvu u Kantonu Sarajevo da se sastanemo u utorak 31.07.2018. godine poslije sastanka mirovnog vijeća koje je dogovoreno za isti dan.

Poziv za sjednicu Glavnog odbora Sindikata će Vam biti naknadno dostavljen.

Predsjednik  
Prim. dr Edo Selimić, s.r.

Dostavljeno:

1. Članovima Glavnog odbora x 20
2. Članovima Pregovaračkog tima x11
3. a/a